

Safet Huskić iz Cazina, Unsko-sanski Kanton, je rekao da odgovornost za ne rješavanje nagomilanih problema branitelja snose svi i da zakon treba biti jednak za sve, te ni u kojem slučaju ne čekati na godišnje odmore da bi se problemi riješili, naglašavajući važnost preciziranja vremenskog roka.

Fahrija Pitić, Srednjobosanski Kanton, je rekao da ljudi više ne mogu čekati i da je sramotno što je 1/3 naroda ostala nezbrinuta. Također, kao svi prethodnici je zahtjevao da se rok precizira. Izjavio je: „Mi nemamo načina da zaustavimo ljude, jer su ljudi gladni. „

Safet Delalić je naglasio ozbiljnost situacije, te da je zadnji rok za donošenje Rezolucije 27.7. 2016 god., te da je to krajnji datum do kada se ljudi mogu držati pod kontrolom.

Nakon toga je uslijedilo otvaranje rasprave unutar članova Odbora sa stavovima i prijedlozima.

Zukan Helez, član Odbora pozdravio je prisutne te izjavio da se ne slaže oko stavke vezane za Registar, zato što misli da bi novi registar potvrdio sadašnje stanje, te da treba napraviti reviziju i kategorizaciju kojom bi se ispravile greške iz starog Registra. Zauzeo je čvrst stav da se ova tačka mora riješiti na današnjoj, eventualno idućoj sjednici, koja će se održati 27.7. 2016. godine, objašnjavajući da je glavni propust bio učinjen od strane Ustavnog suda koji je zauzeo stav da su dovoljna dva svjedoka da se potvrdi da je neko bio borac, što su ljudi zloupotrijebili.

Jozo Bagarić, potpredsjednik Odbora za braniteljska/boračka i invalidska pitanja, izražava zabrinutost zbog nezbrinutosti velikog broja ljudi, obećava zauzimanje za ovo pitanje, također unutar stranke da se što prije izbore za sistematsko i trajno rješenje. Misli da braniteljski dodatak ima smisla, te treba vidjeti sa ministarstvom finansija oko budžeta za branitelje. Isto tako, podržava formiranje registra.

Potom je Esad Bašagić iznio zaključak sjednice:

ZAKLJUČAK

Članovi Odbora za boračka/braniteljska i invalidska pitanja su jednoglasno izglasali 3 tačke:

1. Odbor pruža punu podršku Rezoluciji
2. Prijedlog je da Rezolucija bude prva tačka dnevnog reda na prvoj narednoj sjednici, koja će se održati 27.07.2016. godine.
3. Održati sastanak prije naredne sjednice sa predstavnicima savjeta braniteljskih udruga, proširenim sastavom kolegija sa premijerom Fadilom Novalićem te tri ministarstva: Ministarstvo za finansije, Ministarstvo za rad, socijalnu politiku, raseljena lica i izbjeglice i Ministarstvom za boračka pitanja.

PREDSJEDNIK ODBORA
ESAD BAŠAGIĆ
